



## **KOMUNIKADO PA PRENSA**

*Fecha*  
29/09/2016

*Departamentu di Komunikashon*  
Corinne Leysner

*Email*  
[jhanirha.anita@gobiernu.cw](mailto:jhanirha.anita@gobiernu.cw)

### **VVRP ta avisá barionan vulnerabel pa inundashon i pa tuma medida di prekoushon.**

**Willemstad** - Minister di Tráfiko, Transporte i Planifikashon Urbano, Suzy Camelia-Römer, ta avisá tur hende ku ta biba òf tin negoshi den áreanan di Kòrsou ku tin historia di inundá, pa tuma mas tantu medida posibel pa salbuardiá nan pertinensianan. Esaki ta nifiká entre otro hisa pertinensianan for di flùr, buska material pa stroba e awa di drenta bo edifisio, i pone animalnan un kaminda seif i seku. Tambe ta konsehá pa durante awe i mañan pa bai keda na serka famianan ku no ta biba den a areanan di rísiko.

Gobièrnu ta tuma mas tantu medida posibel pa por aliviá mas tantu posibel e efektonan di e wer ku nos ta pasa aden, pero Kòrsou tin su áreanan ku ta vulnerabel ku no por hasi nada na dje riba termino kòrtiku. Ta trata di areanan ku ántes tabata awa i ku a dèmpel i di areanan ku antes tabata dam kaminda a traha kasnan den dje.

Ta trata di:

- Saliña
- West Groot St. Joris
- Rondeklip na altura di Hofi Kow i Hofi Barbolina
- Perseusweg/Begoniaweg
- Damacor/ Cascora
- Groot Davelaar
- Suffisant/Muizenberg
- Mahuma, Hegirastraat te ku Kaya Gungu Maal
- Steenen Koraal
- Monte Carmelo
- Juliana Plein i besindario (Punda)
- Souax, dam na altura di Souax
- Tera Cora, dam tras di SVB
- Asencion, patras di Kooperativo
- San Juan na altura di San Juan Center
- Pannekoek, patras di lanthuis Pannekoek
- Rio Magdalena na altura di Hofi Hooi
- Klein Sta. Martha na altura di Helfrieddorp
- Dokterstuin na alturádi kas di famia Justina



## **KOMUNIKADO PA PRENSA**

*Fecha*  
29/09/2016

*Departamentu di Komunikashon*  
Corinne Leysner

*Email*  
[jhanirha.anita@gobiernu.cw](mailto:jhanirha.anita@gobiernu.cw)

- Cabaje na alturá di snèk di Mou
- Flip na alturá di famia Juliana
- Lelienberg na alturá di kas di famia Sommer
- Wacawa na alturá di famia Victor
- Westpunt na alturá di Restaurant Janchi Christiaan
- Zorgvliet kaminda dam kibrá

Hendenan ku ta biba òf tin negoshi den besindario di Beurs, Goetoweg, Versuviusweg, Penstraat, Oranjestraat, Julianaplein, Pietermaai, Kaya Jongewacht, Concordiastraat, Punda, Kanga/Dein i Stenen Koraal tin ku tene kuenta ku e posibilidat di inundashon.

Mientrastantu Servisio pa Obra Públiko ta sigui limpia roinan kaminda ta nesesario. Den esei ta importante pa komprondé ku no ta vegetashon ta stroba pa un roi por funshoná bon. E vegetashon netamente por yuda pa e awa no drenta duikernan i e sistema di kloaka ku un velosidat muchu haltu i den un kantidat muchu grandi.

E por strobe opstakulonan (potoshi) pa drenta e sistema i okashoná opstrukshon. Tambe e vegetashon ta soru pa e e tera ta keda sufisiente permeabel pa awa por drenta den dje na lugá di kore bai laman. Asina e awa por keda reservá pa plantashon despues.

Lo sigui duna mas informashon.